


Kalpasan ti Bagyo: Pagtalinaeden nga Awan ti Buot



PARA KADAGITI RESIDENTE A NAAPEKTARAN ITI LAYUS

Mabalin a mangrugi a dagus ti panagdakkel ti buot kalpasan ti layus ken mabalin a mangpataud kadagiti peggad iti salun-at.

Sadino ti pangrugian

- **Iruar ti narugit.** Ikkaten ti amin a danum ti layus, rugit, ken basura a nabati gapu iti layus.
- **Ikkaten dagiti nagbuot a materiales.** Masapul a madalusan ken mapamagaan wenno maikkat ken masukatan dagiti nagbuot wenno nabuutan a materiales ti pasdek. Masapul a maikkat iti pasdek ti aniaman a materiales wenno muebles a nabasa ti danum ken saan a naan-anay a madalusan.
- **Sukimatem ti suelo.** Gagangay a saan nga umdas ti pannakadulus ti karpit ken ap-ap. Ibellengmo ida.
- **Pagmagaen dagiti pader.** Masapul nga agtalinaed a silulukat dagiti pader tapno naan-anay nga agmaga dagitoy. Mabalin a madalusan, madisinfectar ken naan-anay a mamagaan dagiti pader a napalitadaan, ladrillo, ken kongkreto a bloke.
- **Isalakanmo ti kabaelam.** Dagiti personal a sanikua ken muebles a nabasa iti 24-48 nga oras kalpasan ti panagbaba ti danum ti layus ket nalabit nga addaan iti buot nga agtubo iti uneg wenno kadagita. Mabalin a maisalakan dagiti bado ken lienso babaen ti panangbuggo iti detergent.
- **Ibelleng dagiti babassit ti abut na a materiales.** Masapul a maibelleng ti aniaman a saan a malabaan wenno madisinfectar.

Dalusan ken pamagaen iti umiso a wagas



- Basaen pababa ti buot. Sakbaymo a sagiden, iyakar, wenno dalusan dagiti nagbuot wenno nabuutan a materiales, basaem ti buot iti solusion ti sabon manipud iti spray bottle tapno saan a mai-angin ti buot.



- Masapul nga usaren ti likido a solusion ti chlorine bleach (maysa a tasa a bleach iti maysa a galon a danum) a mangdisinfectar ken mangpapatay iti aniaman a nabati a buot ken nabuutan. Lukatan nga umuna dagiti tawa ken ridaw. Dimo pulos ilaok ti bleach kadagiti dadduma pay a produkto a pagdulus nga addaan iti ammonia. Usaren a kas naibaga iti lebel.



- Kalpasan ti panangdulus ken panangdisinfectar, masapul a naan-anay a pamagaem ti tunggal banag ta no saan agsubli ti buot ken nabuutan. Tapno napardas ti panagmaga, pagtalinaeden nga agsirkulo ti presko nga angin.

Agtalinaedka a natalged bayat ti panagtrabahom. Tapno saan nga agsakit, agusarka iti goma a guantes ken face mask bayat ti panagtrabahom ("NIOSH" approval ken N-95 rating). Siguraduem met nga agusarka iti hard hat, safety goggles wenno sarming, guantes, goma, wenno natangken ti suelas na a botas. Dika mangan, uminum, wenno agsigarilio iti uneg ti balay; ken kanayon a bugguam dagiti imam iti sabon.

**MAIDAWAT A SUROTENYO TI AMIN NGA INSTRUKSION MANIPUD KADAGITI LOKAL
NGA AUTORIDAD.**